

Syllabus za konverzijski kurs španskog jezika - A2 nivo

Podaci o predavaču

Ime i prezime: Melissa Mehičić

E-mail adresa: melissa.mehicic@gmail.com

Biografija predavača

Melissa Mehičić je počela učiti španski jezik u jezičkoj gimnaziji u Italiji, nakon čega je, po povratku u Bosnu i Hercegovinu, nastavila usavršavati jezik kroz samostalno učenje i praktičnu upotrebu. Posjeduje međunarodno priznate DELE certifikate iz španskog jezika na nivoima B2 i C1, koje je stekla polaganjem ispita pri Institutu Cervantes u Zagrebu i Beogradu.

Pored akademskog obrazovanja, više godina pruža privatne časove španskog jezika, prilagođavajući nastavu potrebama i nivou učenika. Španski jezik koristi i u međunarodnim profesionalnim okruženjima, gdje je imala priliku komunicirati sa diplomatama, vojnim predstavnicima i akademikima iz Španije, uključujući i tokom Sarajevo Security Conference.

LinkedIn profil: <https://www.linkedin.com/in/melissa-mehicic-a90497304/>

Opće informacije o kursu

Idealan kurs za osobe koje već posjeduju osnovno znanje španskog jezika i žele unaprijediti svoje konverzijske vještine, proširiti vokabular i steći veću sigurnost u svakodnevnoj komunikaciji na španskom jeziku.

Opis kursa

Konverzijski kurs španskog jezika A2 namijenjen je polaznicima koji već posjeduju osnovno znanje španskog jezika i žele napraviti korak dalje u razvoju svojih komunikacijskih vještina. Kurs je posebno namijenjen osobama koje su završile A1 nivo ili imaju odgovarajuće predznanje, ali žele aktivirati i proširiti svoje znanje kroz više razgovora i praktične upotrebe jezika.

Kurs se zasniva na praktičnoj upotrebi španskog jezika, sa posebnim fokusom na govor, slušanje i aktivno korištenje vokabulara. Polaznici će kroz različite teme imati priliku govoriti o sebi, svojim iskustvima, svakodnevnom životu, interesima, planovima, putovanjima, i drugim situacijama koje se mogu pojaviti u stvarnoj komunikaciji.

Očekivanja i ciljevi

Cilj kursa je da polaznici unaprijede svoje znanje španskog jezika na A2 nivou i razviju veću sigurnost i samostalnost u svakodnevnoj komunikaciji. Po završetku kursa polaznici će moći opisati prošle događaje i iskustva, govoriti o budućim planovima, snalaziti se u različitim svakodnevnim i putničkim situacijama, dati osnovno obrazloženje svog mišljenja, te postavljati i odgovarati na pitanja sa većom sigurnošću.

Materijali/oprema neophodna za kurs

Neophodni materijali/oprema: materijali i radni listovi koje će pripremiti predavač.

Poželjni materijali/oprema: sveska i olovka.

Trajanje kursa - 4 sedmice. **Broj časova** - Kurs traje 8 nastavnih časova, dva puta sedmično po 90 minuta.

Organizacija časa

Svaki čas traje 90 minuta i podijeljen je na dva dijela. Približno prvih 60–65 minuta posvećeno je konverzaciji i aktivnoj upotrebi španskog jezika kroz temu predviđenu za taj čas. Preostalih 25–30 minuta predviđeno je za upoznavanje sa vokabularom koji će biti potreban za naredni čas. Predavač će polaznicima pripremiti i podijeliti materijal sa osnovnim riječima i izrazima vezanim za narednu temu. Vokabular će se zajedno proći, objasniti i, prema potrebama polaznika, dopuniti dodatnim riječima i izrazima. Polaznici će na taj način imati materijal koji mogu samostalno pregledati i uvježbati prije narednog susreta.

Cilj ovakve organizacije je da polaznici na naredni čas dođu sa osnovnim poznavanjem vokabulara potrebnog za razgovor, čime se vrijeme na času može maksimalno iskoristiti za aktivnu komunikaciju. Od polaznika se ne očekuje da unaprijed savršeno savladaju sav vokabular, već da se upoznaju s njim i pokušaju ga aktivno koristiti tokom narednog časa.

Raspored tema:

Sedmica 1	Recuerdos y el pasado (prepričavati sjećanja i šta ste radili jučer/prošlog vikenda); viajes (pričati o putovanjima, planirati put)
Sedmica 2	Planes y futuro (govoriti o planovima i namjerama); problemas cotidianos y consejos (problemi, traženje pomoći, davanje savjeta)
Sedmica 3	Salud y bienestar (osnovni zdravstveni problemi, odlazak doktoru/apoteci, zdrave navike); opiniones, gustos y preferencias (izraziti mišljenje, slaganje/neslaganje)
Sedmica 4	Tecnología y redes sociales (telefon, internet, društvene mreže, kako ih koristim); završna integrativna konverzacija i ponavljanje obrađenih tema